

續高僧傳

卷二十一

四百七十四
卷六

5134



皇圖

靈寶

元禧九年丙子二月五日

重脩

轉



續高僧傳卷第二十一

唐釋 道宣

撰

達

習禪六 本傳二十人附見三人

唐鄧州寧國寺釋惠祥傳一

唐京師大莊嚴寺釋曇倫傳二

唐蒲州仁壽寺釋普明傳三

唐蒲州栢梯寺釋曇獻傳四

唐秦州永寧寺釋無礙傳五

唐江州東林寺釋道暉傳六

唐荊州四層寺釋法顯傳七

唐荊州神山寺釋玄爽傳八 惠普

唐蒲州救苦寺釋惠仙傳九



唐益州淨惠寺釋惠寬傳十

唐衛州霖落泉釋僧倫傳十一

唐京師西明寺釋靜之傳十二

唐丹楊沙門釋智巖傳十三

唐衡岳沙門釋善伏傳十四

唐代州照果寺釋解脫傳十五

普明
僧翕

唐潤州牛頭沙門釋法融傳十六

唐衛州霖落泉釋惠方傳十七

唐揚州海陵正見寺釋法嚮傳十八

唐蘄州雙峯山釋道信傳十九

唐江漢沙門釋惠明傳二十

釋惠祥姓周十五出家頭陀乞食默自禪誦

不與衆同人不知其道觀淺深而高其遠度
聽三論聞提婆護法之功莫辟開腹之患有
心慕焉遊諸法肆見威儀不整者謂人曰祥
受戒後任持此寺令入律行年十九染患三
月救療無徵夜中宴坐歎曰大丈夫本欲以
身從道於末法中摧伏非法如何此志未從
爲病所困將曉有一人長丈餘謂曰但誦涅槃
無愁不差至旦即誦三日便瘳當年誦通
卒其所望進具聽律鏡其文理住寧國寺常
講四分及涅槃經所以護法維持不惜身命
諸有虧違望風整肅大業末夏中因食口中
得舍利不辯棄地輒還在口如是數回疑是

真身砧槌不碎遂聲鍾告衆白黑咸集祥涕
泣焚香願降威力須臾放五色光異香遍郭
衆覩希有屠獵改業乃使市無肉肆因與四
衆起浮圖九級高百餘尺今見在然其所食
日止一餐不問多少頓受不益體自肥白可
長八尺有餘行路不識莫不怪仰刺史李昇
明至寺怪異謂羣官曰此道人膚容若此日
可應取一羊語訖覺手足不隨乘馬失御諸
官以實告之便悔謝還復大使權茂行至鄧
州又怪昇明曰此大德非凡具說往緣茂不
信請將七日試以麕食而膚色更悅茂愧伏
悔先不信之罪將終手執經踟跪謂弟子曰

吾今逝矣汝好住持無令絕滅又感異香盈
郭以大業末年八月卒春秋七十氣命雖絕
而踟跪執經如初遠近奔赴見其卓然無不
歎訝

釋曇倫姓孫氏汴州浚儀人十三出家住修
福寺依端禪師然端學次第觀便誡倫曰汝
繫心鼻端可得靜也倫曰若見有心可繫鼻
端本來不見心相不知何所係也咸怪其言
嗟其近學如何遠悟故在衆末禮悔之時隨
即入定大衆彈指心恒加敬後送鉢上堂末
至中路卓然入定持鉢不傾師大深賞異時
告曰令汝學坐先淨昏情猶如剝葱一一重

重剥却然後得淨倫曰若見有葱可有剥削
本來無葱何所剥也師曰此大根大莖非吾
所及不敢役使進具已後讀經禮佛都所不
爲但閉房不出行住坐卧唯離念心以終其志
次知直歲守護僧物約勒家人曰犬有別食
莫與僧粥家人以爲常事不用倫言犬乃於
前嘔出僧粥倫默不及之後又語令莫以僧
粥與犬家人還妄荅云不與羣犬相將於僧
前吐出粥以示之於時道俗咸伏其敬慎又
有義學論士諍來問者隨言即遣無所罣礙
仁壽二年獻后亡背興造禪室召而處之還
即揜關依舊習業時人目之爲卧倫也有興

善粲法師者三國論首無學不長怪倫卧禪
言問清遠遂入房與語探究是非倫笑曰隨
意相審遂三日三夕法樂不眠倫述般若無
底空花燄水無依無主不立正邪本性清淨
粲乃投地敬之讚歎心路無滯不思議乃如
此也倫在京師道俗請者相續而機緣不一
悟迷亦多雖善巧方便令其醒悟然各自執
見見我爲是故此妙理罕得廣流有玄琬律
師靜琳法師率門人僧伽淨等往來受法如
此衆矣如魚子焉武德末年疾甚於莊嚴寺
傍看寂然有問往生何處荅無盡世界又便
寂然僧伽以手尋其冷觸私報人曰冷觸到

膝四大分離亦應生苦倫曰此苦亦空問曰
捨報云何報曰我主四大闔在已到屈膝死
後遽蔭裏棄之莫作餘事又曰打五更鍾未
報曰未少時維那打鍾看之已絕年八十餘
矣諸門學等依言送於南山露骸散於中野
有鮑居士者名慈氏弱年背俗愛樂禪觀生
不妻娶形無飾華親承德音調心養氣守閑
抱素承倫餘業五十餘年七十五矣
釋普明姓衛氏蒲州安邑人十三出家事外
兄道慈法師孫道王晉川備如別傳又以明
付延興寺沙門童真爲弟子明抗志任持以
大法爲己任性聰敏解冠儕流講聽相仍無

法不學周遊肆席曾無住房固使勤而有功
經論滿抱十八講勝鬘起信夙素聽之知成
大器進具已後專師涅槃四分攝論年二十
四講涅槃三十解攝論凡所造言賓主兼善
使夫妙義積散出言傳旨聲流遠近大業六
年召入大禪定道場止十八夏名預上班學
功所位四事旣備不闕二嚴武德元年桑梓
傾音欣其道洽以事聞上有旨令任蒲州仁
壽寺鎮長弘道無憩寒暄晝談夜坐語默依
教心神爽迅應對雲雨曾未聞經一披若誦
斯則宿習博聞故能若此不可比擬也日常
自勵戒本一遍般若金剛二十遍六時禮懺

所有善根迴向淨土至終常介凡造刻檀像
數十龕寫金剛般若千餘部請他轉五千餘
遍講涅槃八十餘遍攝論勝鬘諸經論等遍
數難紀以年月終于任寺春秋八十有六有
弟子義淹戒潔清嚴見知可領乃遷葬蒲坂
東原鑿穴處之樹碑其側

釋曇獻姓張京兆始平人少事昌律師昌虞
鄉賈氏淨行無玷精誠有聞股肱之地成所
宗仰所居谷口素有伽藍因此谷名遂題寺
目爲靜林寺也昌師攝念經行常志斯所周
武道喪墮壞仁祠昌與俗推移而律儀無缺
隋文御寓重啓法筵百二十僧釋門創首昌

膺此選也仍僧別度侍者一人獻預其位任
大興善昌後言歸故里悲瘞靈儀拙出莊嚴
一佛興世博修院宇延緝殿堂緇素翹誠始
欣有奉彫造未畢而昌遷逝族人百數仰慨
尊容以爲法儀雖歿神足猶在祈請續功使
從來意遂移仁壽而經營之故得棟宇高華
不日而就兩寺圍遶四部歸依州司以靜林
仁壽已偃慈風栢梯淨土未霑甘露遂屈知
栢梯寺任俯從物議又之斯位釋網斯張万
目咸舉仁洽開務有漏天舟衆侶弣之大小
齊美以貞觀十五年正月微疾至十五日且
便曰須向靜林至夕時乃有非常雲霧遺形

於栢梯山東南南山頂其夜大放光明形如花
蓋四照遠近迄于三夕經旬其屍爲靜林寺
側諸信士潛竊神柩寘于靜林南山之頂栢
梯初不知也於彼山頂兩夜續放神光始祥
其故兩處交覓九載于茲緣州歷縣紛黷不
息豈非通幽洞理致茲靈感深茲博惠戀結
衆情者乎弟子等勒銘山阿敢告惟遠

釋無礙姓陳氏有晉永嘉中原喪亂南移建
業父曠梁元帝徵蕃學士以承聖元年礙生
成都神姿特異知有濟器九歲便能應對十
歲入學隨聞不忘入長安遇姚秦道安法師
安與語怪其意致勸令出家即依言欣喜令

誦太子瑞應經思尋聖跡哀泣無已天和三年周武皇后入朝投名出家先蒙得度雖在弱冠戒操逾嚴建德三年法門大壞隨緣陸沉乃值泥塗情逾冰玉開皇開法即預搜揚便住永寧於齊大德超法師所聽智度論一聞教義神思豁然財食頓清形心俱遣又入長安學十地阿毗曇等時休法師於興善寺命講大論辯析分明義端無擁然於文句頗滯弘通因誦本文獲六十卷因抱心疾將衆斯睽便還秦隴開皇十年摠管河間王特屈寺任統御遺法大業二年召入洛陽於四方館刊定佛法後還永寧依前綱理大業五年

煬帝西征躬受勞問賜綵二百段十三年周破
入京住莊嚴寺衆以素知寺任識達機緣還
欲請之任非所好以武德八年還返故寺以
無相觀而自調伏貞觀十九年二月二十八
日無疾而終春秋九十四道俗哀慟若喪厥
親焉

釋道晔姓周汝南人幼而精確希志尚聞古迹
勝人心願齊之負笈金陵居高座寺聽阿毗
曇心妙達關鍵非其好也欽匡山遺軌每逸
言前隋開皇十二年依大將軍周羅侯遠屈
廬岳止東林精舍心願匿迹無事音塵山寺
法擁勸引非一遂不拒命弘道度人修建僧

坊四時無絕隋季寇擾華戎荐臻弊撫門徒
如初不替貞觀二年九月身示有疾曾未浹
旬忽有大星天墮正在西閣大水池中照朗
山谷逾千炬火二十三日僧正中食謂弟子
曰僧食訖未荅曰未竟又曰且喚上座來依
言既至委以後事跏坐而卒諸殿閣門一時
自開異香滿寺七日便歇年八十二矣
釋法顯姓丁氏南郡江陵人十二出家四層
寺寶冥法師服勤累載諮詢經旨有聞欲界
亂地素非道緣既已生中如何解網冥曰衆
生並有初地味禪時來則發雖截心種歷劫
不亡有顓禪師者荆楚禪宗可往師學會顓

隋煬徵下迴返上流於四層寺大開禪府徒
侶四百蔚介成林遂依座筵聞所未悟但夙
有成惠通冠玄蹤霜鍾暫扣已傳秋駕顛師
去後更求明智成彥習皓等諸師皆升堂觀
奧盡斲磨之思及將冠具歸依皓師誨以出
要之方示以降心之術因而返谷靜處閑居
二翼之外一無受畜屬炎靈標季苻羅戎火
餒殘相望衆侶波奔顯獨守大殿確乎卓介
旦資蔬水中後絕漿賊每搜求莫之能獲自
非久入慈室已抽毒箭焉能忍茲疲苦漏此
凶威自介宴坐道安梅梁殿中三十餘載貞
觀之末乃出別房斯則追善吉之息嫌蹈空

生之秘行也此堂有弥勒像并光趺高四十尺八部圍繞弥天之所造也其寶冠花帳供具經臺並顯所營堂中五燈晝夜不絕忽一燈獨熾燄高丈餘又一夜著五色衣人持一金瓶來奉又夢見一僧威容出類曰可往蘄州見信禪師依言即往雙峯更清定水矣而一生深疾並信往業受而不治衣食節量柔順強識所任之寺五十餘年足不出戶永徽三年十二月八日夢身坐寶殿授四衆戒因覺漸疾至四年正月十一日午時遷化時年七十有七顯以昨日申時自能起止神彩了亮踞禪牀盥浴剃髮就牀跏坐儼然便絕其

月十七日葬于大明寺之北原未終之前門人見室西壁大開白光遍滿夜有白雲巨屋南北二道堂中佛事並搖動明日方絕自終及葬嶷然匡坐合境道俗奔湊淒零荊州都督紀王夙傳歸戒欽仰清暉命右記室郭瑜爲之于彼

釋玄爽姓劉南陽人早修聰行見稱鄉邑弱冠成婚妻少而美然爽貞誠清拔志高蹈視如革囊情逾厭離既無所偶棄而入道遊習肆道有空俱涉末聽龍泉寺琰法師欣然自得覃思遠詣頗震時譽又往蘄州信禪師所伏開請道亟發幽微後返本鄉唯存攝念長

坐不卧繫念在前時本邑沙門藹明稜法等
並禪府名宗往結投分以永徽三年十月
日遷神山谷時襄部法門寺沙門惠普者
漢陰之僧傑也研精律藏二十餘年依而
績風霜屢結七衆齊肅屬城挹歸晚專入
門廓銷事惱紀王作鎮將修追聖廢寺網
須人衆舉於普王深賞會又楚俗信巫殺爲
淫祀普因孚化比屋崇仁又修明因道場凡
三十所皆盡輪奐之工仍彫金碧之飾以顯
慶三年終於本寺春秋八十
釋惠仙姓趙河東蒲坂人幼懷出俗緣故淹
留年登不惑方果前願旣出家後隨方問津

雖多涉獵然以華嚴涅槃二部爲始卒之極
教也迄於暮齒耽味逾深謂人曰斯之二寶
全如意珠無忽忘而暫捨也所以執卷自隨
有若雙翼或有言晤披而廣之任處衝要九
衢都會百疾相投万禍憑救而仙慈善根力
無假多方但令念佛無往不濟由是蒙祐遐
迹傾心寺有大像製過十丈年載旣久埃塵
是生棟宇頽落珠璣披散遂控告士俗更締
構之雖淹星律大造云就介後年漸遲暮夢
僧告曰卿次冬間必當遷化可早運行應得
延期便如常業不以爲慮至九月中微覺不
愈知終在近告侍人曰吾出家有年屢受菩

薩戒今者更欲受之召諸大德並不赴命乃
曰大德但自調耳何名度人又曰但取戒本
讀誦訖自慶潛然而止入夜有異天仙星布
前後高談廣述乍隱乍顯合寺聞見或見佛
像來入房者曰次將午忽起坐合掌召衆人
曰大限雖多小期一念並好住願與諸衆爲
歷劫因緣遂卧氣絕年七十五即永徽六年
十一月十七日也道俗哀之雲布原野寺有
巨禪師穎脫當時有聲京洛行弥勒願生在
四天覩仙行業感徵告衆曰必見慈氏矣若
乖斯者何能禎應若是乎
釋惠寬姓楊氏益州綿竹孝水人父名瑋元

是三洞先生五經博士崇信道法無敦釋教所以綿梓益三州諸俗每歲率送租米投於瑋令保一年安吉皆與章符而去而車馬擁門如市初時瑋妻懷孕心性改異辛鯉惡獸乃生一女名爲信相性好閑靜無緣嗜慾後又懷妊身極安隱恒有異相及其生也母都不覺忽然自出都無惡露然有異香又不啼叫乃至有識未曾冀穢淋席父母抱持方乃便利即寬身也而臂垂過膝性恒香潔不近腥臊年五六歲與姊信相於靜處坐禪二親怪問荅曰佛來爲說般若聖智界入等法門共姊評論法相父是異道不解其言附口錄

得二百餘紙有龍懷寺會師聞有竒相至其所父以示之會曰並合佛經無所參錯有異禪師不知何來於淨慧寺入火光三昧召彼女來及至不入云是火聚禪師曰何不以水滅之女即作水觀滅火而入禪師驗知深入諸定勸令出家父母受娉及誓家不許諸道

俗官人爲出財贖之因有度次姊與寬身俱時出家時隨蜀王秀在益請入城內妃爲造精舍鎮恒供養嘗出於路人有疑者尼召來曰莫於三寶所生異心自受罪苦彼人悔過有造功德須物者燒香祈請掘地獲金無不充足斯事非一至於食飲欲食便食不食乃

經歲序時人目之聖尼即今本寺猶号聖尼
寺也寬年十三常樂獨坐面無怒相言常謙
下依空慧寺胤禪師龍懷寺會闍梨所隨聞
經律一覽無遺未聞之經曾不知義有難問
者皆爲通之初造龍懷寺會有徒屬二百餘
人並令在役唯放於寬有怨及者會曰斯人
是吾本師何得使作昔周滅法依相禪師隱
于南山及隋興教辭師還蜀嘗受囑云汝還
蜀土大有徒衆有名惠寬可將攝也我憶此
事計師死日當寬受生無得致怪自尔在山
依閑業定年三十還綿竹教化四遠聞名見
形並捨邪歸正其俗信道父母背道歸佛捨

宅爲寺于今見在綿竹諸村皆爲立寺堂殿
院宇百有餘所修營至今年常大齋道俗咸
會正月令節成都等七十縣競迎供待有大
功德須得經營但請寬至施物山積貞觀中
有僧名策持呪有驗於洛縣忽死見閻王曰
比獄中罪人多應爲誦呪并請寬師講地獄
經從此得穌經月不作復更悶絕閻王大怒
命牛頭使打鍾子百下我令誦呪講經爲衆
生故何不作策穌已即從洛縣往綿竹三十
里未至疲卧忽有異旋風吹起須臾至寬所
正集轉經告策曰昨所住處大爲勞苦爲衆
生者不得辭苦即令策登坐誦呪大衆聞皆

流汗寬仍集衆講地獄經貞觀二十年綿竹
宋尉云我不信佛唯信周孔然我兩度得佛
力一爲人在門側小便置佛便止一爲冬月
落水燒木佛自炙寬聞之致書曉喻宋曰此
道人微異者當試有靈不取書名處用拭大
便當即糞門裂脚起不得自唱我死即召寬
來雖悔過造經像盈月便卒什邛縣陳家捨
邪信佛以竹園爲寺寬指授分劑尠許可爲
僧院中間一分堪立佛堂即斷一竹上豎標
云此分劑處欲造佛寺當時生竹自乾佛堂
斷竹泉水上涌尋掘數尺獲大石石下金瓶
舍利七粒寬禮拜更請遂放光乃盛滿合四

遠又集寺今見在永徽四年夏六月二十五
日春秋七十卒於淨慧寺未終一月有五百
神人長丈餘服天衣持花香及紫金花臺從
西方來迎寬辭不堪發遣令去又於終日放
羊從市向房悲數十聲至夜索水沐浴新衣
跏坐執爐已命打無常鍾聲遍郭聞合郭咸
集曰闍梨涅槃去空中哭聲寺內光明莫測
其來道士等謂言燒寺驚走來寺乃知其非
自此入定氣盡乃知永逝寺內三橋一當寬
房堂夜梁折聲震寺內明日官人道士咸來
慟哭寺中蓮池池水忽乾紅蓮變白寺中大
豫樟樹三四人圍忽自流血血流入澗澗水

皆赤月餘方息又十七級塼浮圖高數十丈裂開數寸又有雙鵝不知何來向靈鳴叫伏地不去葬時隨送出郭失之往無爲山去寺二十里黑雲團空隨行注雨草木隨靡至山方散葬後縣內道俗七歲已上著服泣臨如是三年尔後至今凡設會家皆設兩座一擬

聖僧一擬寬也今猶獲供送本寺靈相在山端坐如在自初至今竟無虫血汗穢朽腐之相斯則豈非不退菩薩身無萬戶虫耶不然何以若此

釋僧倫姓呂氏衛州汲人祖宗諸州刺史父詢隋初穆陵太守未孕之初二親對坐忽有

梵僧秀眉皓首二侍持幡在其左右曰願爲
母子未審如何即禮拜之揮忽失所因尔有
娠四月八日四更後生還見二幡翊其左右
兼有異香產訖不見五歲已後迄於終亡恒
自目見白光滿屋齊武平九年與父至雲門
寺僧賢統師珉禪師所受法出家時年九歲
二師問其相狀荅以白光流臉二旛夾之歎
曰子真可度因而剃落周武平齊時年十六
與賢統等流離西東學四念處誦法華經至
開皇初方興佛法雲門受具時年二十三又
於武陽理律師所聽始半夏見五色光如車
輪照倫心上衆並同見即於光中禮五十三

佛猶未滅更禮二十五佛光乃收隱又與方願二師入黑山太行諸山行蘭若二十餘年太業末賊徒起領門人至衛州隆善寺仍爲僞夏竇建德齊善行等請知僧事武德五年大統天下入太行抱犢山教徒學念處法由是四方負笈山路成蹊貞觀四年衛州刺史裴萬頃與諸官人請令下山日日受戒大有弘利以貞觀二十三年五月十三日四更忽告門人吾夜中於諸法得解脫謂成無學不謂天帝等迎言已而絕將殯於山而哀慟不止天極清朗無雲而降細雨衆咸異焉時年八十五矣

釋靜之姓趙雍州高陵人父母念善絕無息
胤祈求遍至而無所果遂念觀音旬內有娠
能令母氏戾惡欲染辛腥永絕誕育之後年
七八歲樂阿彌陀觀依文修學隨位並成行
見美境骨觀明淨性樂出家旣有一子誓而
不許隨父任蜀不久崩亡意欲爲父焚身報
德有一賢人引金剛般若云捨身不如持經
乃迴心剃剪用伸罔極一入法門翹誠逾厲
隨聽經律而意在定門後從江禪師習觀而
威容端雅見者發心貞觀初隱益部道江彭
門山光化寺一十餘載常坐茅宇不居僧房
四方集者二百餘人六時三業不負光景又

別深隱入靈巖山大垂爲偶無所驚擾利州
道禪師素交旣久請入劔閣北窮腹山徒侶
十餘賣米四石恰至夏竟一石未盡小時臯
患肉塞百方無驗有僧令誦般若多心万遍
恰至五千肉鈴便落行至秦州被毒蛇螫苦
楚叵言以觀行力便見善境自然除滅後遇
疾苦依前得差乃撰諸家觀門以爲一卷要
約精最後學重之顯慶三年召入西明別立
禪府利州本寺桂樹忽凋胡桃自拔佛殿無
故北面仰地尊儀不損斯亦德動幽靈爲若
此也以顯慶五年春三月二十七日右脅而
終於西明春秋五十七矣

釋智巖丹陽曲阿人姓華氏在僮中曰謂人
曰世間但競耳目之前寧知死生之際鄉里
異之知有遠度也及弱冠雄威武略智勇過
人大業季年豺狼競逐大將軍黃國公張鎮
州揖其聲節屈掌軍戎奏策爲虎賁中郎將
雖身任軍師而慈弔在慮每於弓首挂漉囊
所往之處漉水養垂以爲常事及僞鄭之在
東都黃公龔行征伐相陣鬪將應募者多黃
公曰非華郎將無以御之僞鄭大將人馬具
全按轡揚鞭以槍剗地厲聲曰若能拔得方
共決焉巖時跨馬徐來以腋挾槍而去次巖
以槍剗地彼搖再三不動乃下馬交刃遂生

擒之巖反刀截其頸曰吾誓不斷命且施君
頸乃放之武德四年從鎮州南定淮海時年
四十審榮官之若雲遂弃入舒州皖公山從
寶月禪師披緇入道黃公眷戀追徵荅曰以
身許道誓至薩雲願特捨恕無相撓擾旣山
藪幽隱蘭若而居豺虎交橫馴狎無恐忽見
異僧身長丈餘姿容都雅言音清朗謂曰卿
已八十一生出家宜加精進言訖不見蒙此
幽屬精勵晨昏一切世間如幻如夢一時坐
定正在谷中山水暴長形將欲沒熙怡端坐
嶷然便退獵者問曰身命可重何不避耶荅
曰吾本無生安能避死獵者悟之所獲並放

故山中飛走依託附焉昔同軍戎有睦州刺史嚴撰衢州刺史張綽麗州刺史閻丘胤威州刺史李詢聞巖出家在山修道乃尋之旣矚山崖竦峻鳥獸鳴叫謂巖曰郎將癩邪何爲住此荅曰我癩欲醒君癩正發何由可救汝若不癩何爲追逐聲色規度榮位至於清爽都不商量一旦死至荒忙何計此而不悟非癩如何唯佛不癩自餘階漸貞觀十七年還歸建業依山結草性度果決不以形骸爲累出處隨機請法僧衆百有餘人所在施化多以現事責覈究之心用通故俗聞者毛豎零淚多在白馬寺後往石頭城癩人坊住爲

其說法吮膿洗濯無所不爲永徽五年二月
二十七日終於癘所顏色不變伸屈如恒室
有異香經旬年七十八矣

釋善伏一名等照姓蔣常州義興人
生即白首性知遠離五歲於安國寺
兄才法師邊出家布衣蔬食日誦卷經
目覩七行一聞不忘貞觀三年實刺史
聞其聰敏追充州學因介日聽俗講夕
思佛義博士責之對曰豈不聞乎行有
餘力所以博觀如不見信請問前聞乃
試之一無所滯重爲聯類佛教兩用踈
通於是學館傾首何斯人之若斯也後
逃隱出家志樂佛法欲罷不能忽逢山
水淹留忘返

斯因宿習非近學也至蘇州流水寺壁法師
所聽四經三論又往越州敏法師所周流經
教頗涉幽求至天台超禪師所示以西方淨
土觀行因尔廣行交桂廣循諸州遇綜會諸
名僧諮疑請決又上荆襄蘄部見信禪師亦
以入道方便又往廬山見遠公淨土觀堂還
到潤州巖禪師所示以無生觀後共暉才二師
入桑梓山行慈悲觀又爲鬼神受戒莫取肉
神又降巫者今召伏受戒巫者殺生祀神神
打之次死降語曰吾已於伏闍梨受戒誓不
食肉如何爲吾殺生愍尔愚癡且恕汝命後
更尔者必加至死自後諸祀永絕羶腥嘗務

州二人同載績麻爲貨至江神所一以蔬祭
一欲殺生而未行其麻並濕前蔬祭麻並乾
燥於是行人忌憚無敢肉祭故其授戒功驗
人神敬仰有陵犯者立見禍害江淮間屠販
魚肉鵝鴨鷄猪之屬受法開放市無行肆官
人怪之有義興今素不信嫌伏動衆將加私
度之罪伏昆季賂之其人忽即狗登繩牀衆
蛇惱患不久除名往常州筮之卦云由犯賢
聖罪不可救其人得急就伏求免永徽二年
被括還家然志好出俗見家如獄復往山居
苦節翹勤人不堪其憂也衆又屯聚因爲說
法讚令行慈不殺者佛教之都門也不能行

之若講禮而爲倨傲耳又勸行六道供以先
祖諸亡者無越此途又曰山有玉則草木潤
泉有龍則水不竭住處有三寶則善根增長
常在伏牛山以虎豹爲同侶食蚊蚋爲私行
視前六尺未曾顧眄經中要偈口無輟音大
約十五觀四明論以爲崖准顯慶五年行至
衡岳意欲求靜返更屯結說法旣久忽告曰
一切無常氣息難保夜深各散緣盡當離時
不測其言也便返閉而坐介夜衡州諸寺鍾
及笙管鳴聲徹曉道俗咸怪至房關掩乃破
而開之見伏端坐久終便以奏聞
釋解脫姓邢臺山夾川人七歲出家依投名

匠志在出道唯在禪思遠近訪法無師不詣
復任五臺縣照果寺隱五臺南佛光山寺四
十餘年今猶故堂十餘見在山如佛光花彩
甚盛至夏大發昱人眼目其側不遠有清涼
山山下清涼即文殊師利遊處之地也有高
行沙門曜者年百六歲自云我年五十時與
解脫上人至中臺東南下三十里大孚靈鷲
寺請見文殊行至花園北遇一大德形神慈
遠徐行東去解脫頂禮發願我時精神欣喜
不暇諮請解脫云已曾三度親見文殊誠語
云汝自悔責若切至必悟道也便依言自咎
晝夜剋責心便安靜又感諸佛見身說偈曰

諸佛寂滅甚深法

曠劫修行今乃得

若能開明此法明

一切諸佛皆隨喜

因問寂滅法何者是若爲教人令解之諸佛
即隱空中聲曰方便智爲燈照見心境界欲
究真實法一切無所見遂依此法化導有緣
在山學者來往七八百人四遠欽風資給引
護四十餘年常在佛光永徽中卒今靈軀尚
在巖然坐定在山窟中又五臺南娑婆寺南
五六里普明禪師獨靜坐禪求見文殊意欲
請法有神人空中告曰汝無禪習止可長生
龕前取藥服之可得延壽明懷疑不決後又
告曰藥名長松汝何不服此藥無毒明便依

言服之又告同行諸僧已騰空而去厥處見
在去恒岳目矚相接又有僧裔禪師者任忻
州秀容建國寺恒於定襄來望人山南坐禪
餌藥年將八十道俗尊仰不知志入何法而
興歎者号不可思議人其山靈泉望迹石上
見在祈福者衆永徽中有人無目不知何來
彈琵琶誦法華一部向望人山手彈口誦以
娛此山亦不測其然

釋法融姓韋潤州延陵人年十九翰林墳典
探索將盡而姿質都雅偉秀一期喟然歎曰
儒道俗文信同糠粃般若止觀寔可舟航遂
入茅山依旻法師剝除周羅服勤請道旻譽

動江海德誘幾神妙理真筌無所遺隱融縱
神挹酌情有所緣以爲慧發亂縱定開心府
如不凝想妄慮難摧乃疑心冥默於空靜林
二十年中專精匪懈遂大入妙門百八揔持
樂說無盡趣言三一懸河不窮貞觀十七年
於牛頭山幽栖寺北巖下別立茅茨禪室日
夕思擇無缺寸陰數年之中息心之衆百有
餘人初構禪室四壁未周弟子道基道渠於
中攝念夜有一獸如羊而入騰倚揚聲脚蹠
二人心見其無擾出庭宛轉而遊山有石室
深可十步融於中坐忽有神蛇長丈餘目如
星火舉頭揚威於室口經宿見融不動遂去

因居百日山素多虎樵蘇絕人自融入後往
還無阻又感羣鹿依室聽伏曾無懼容有二
大鹿直入通僧聽法三年而去故慈善根力
禽獸來馴乃至集于手上而食都無驚恐所
住食廚基臨大壑至於激水不可環階乃顧
步徘徊指東嶺曰昔遠公振錫則朽壤驚泉
耿將整冠則枯甃還滿誠感所及豈虛言哉
若此可居會當清泉自溢經宿東嶺忽涌飛
泉清白甘美冬溫夏冷即激引登峯趣釜經
廊此水一斗輕餘將半又二十一年十一月
巖下講法華經于時素雪滿階法流不絕於
凝冰內獲花二莖狀如芙蓉璨同金色經于

七日忽然失之衆咸歎仰永徽三年邑宰請
出建初講揚大品僧衆千人至滅諍品融乃
縱其天辯商榷理義地忽大動聽侶驚波鍾
磬香牀並皆搖蕩寺外道俗安然不覺顯慶
元年司功蕭元善再三邀請出在建初融謂
諸僧曰從今一去再踐無期離合之道此常
規耳辭而不免遂出山門禽獸哀號逾月不
止山澗泉池擊石涌砂一時填滿房前大桐
四株五月繁茂一朝凋盡至二年閏正月二
十三日終於建初春秋六十四道俗哀慕宮
僚輒結二十七日空於鷄籠山幢蓋笳簫雲
浮震野會送者万有餘人傳者重又聞之故

又重緝初融以門族五百爲延陵之望家爲
娉婚乃逃隱茅岫炁師三論之匠依志而業
又往丹陽南牛頭山佛窟寺現有辟支佛窟
因得名焉有七藏經書一佛經二道書三佛
經史四俗經史五醫方圖符昔宋初有劉司
空造寺其家巨富周訪寫之永鎮山寺相傳
守護達於貞觀十九年夏旱失火延燒五十
餘里二十餘寺并此七藏並同煨燼嗟乎回
祿事等建章道俗悼傷深懷惻愴初融任幽
栖寺去佛窟十五里將事尋討值執藏顯法
師者稽留日夕諮請經久許之乃問融所學
并探材術遂寄詩達情方開藏給於即內外

尋閱不謝昏曉因循八年抄略粗畢還隱幽
栖閉關自靜房宇虛廓惟一坐敷自餘蔓草
苔莓擁結坐牀塵高二寸寒不加絮暑絕追
涼藉草思微用畢形有然而吐言包富文藻
綺錯須便引用動若珠聯無不對以宮商玄
儒兼冠初出幽栖寺開講大集言詞博遠道
俗咸欣永徽中江寧令李修本即右僕射靜
之猶子生知信向崇重至乘欽融嘉德與諸
士俗步往幽栖請出州講融不許乃至三返
方遂之舊齒未之許後銳所商權及登元座
有光前傑荅對若雲雨寫送等懸河皆日聞
所未聞可謂中興大法於斯人也聽衆道俗

三千餘人講解大集時稱榮觀尔後乘茲雅
聞相續法輪邑野相趨庭宇充闔時有前修
負氣望日眇銜乍聞高價驚惶府俞來至席
端昌言微責融辞以寡薄不偶至人隨問荅
遣然猶謙挹告大衆曰昔如來說法其理猶
存人雖凡聖義無二准何爲一時一席受道
之衆塵沙今雖開演領悟之賓絕滅豈非如
行如說心無累於八風如說如行情有薄於
三毒不然將何自拔耶聞者撫心推測涯極
故使聽衆傾耳莫不解形情醉初武德七年
輔公託跨有江表未從王政王師薄伐吳越
廓清僧衆五千晏然安堵左僕射房玄齡奏

稱入賊諸州僧尼極廣可依關東舊格州別
一寺置三十人餘者遣歸編戶融不勝枉酷
入京陳理御史韋挺備覽表辭文理卓明詞
彩英贍百有餘日韋挺經停房公伏其高致
固執前迷告融云非謂事理不無但是曾經
自奏何勞法衣出俗將可返道實王五品之
位俯若拾遺四千餘僧未勞傍及融確乎不
拔知命運之有窮旋于本邑後方在度又加
護之誠喪形爲本略出一兩示其化迹永徽
之中睦州妖女陳碩真邪術惑人傍誤良善
四方遠僧都會建業州縣搜討無一近之融
時居在幽巖室猶懸磬寺衆貧煎相顧無聊

日漸來奔數出三百舊侶將散新至無依雖
欲歸投計無所往縣官下責不許停之融乃
告曰諸來法侶無問舊新山寺蕭條自足依
庇有無必失勿事羈離望刹知歸退飛何往
並安伏業禍福同之何以然耶並是捨俗出
家遠希正法業命必然安能避也近則五賊
常逐遠則三獄恒纏心無離於倒迷事有障
於塵境斯爲巨蠹志異驅除安得瑣瑣公途
繫懷封著並隨本志無得遠於幽林融以僧
衆口給日別經須躬往丹陽四告士俗聞者
割減不爽祈求融報力輕強無辭擔負一石
八斗往送復來日或二三莫有勞倦百有餘

日事方寧靜山衆恬然無何而散于時局情
寡見者被官考責窮効妖徒不能支任或有
自縊而死者而融立志滔然風塵不涉客主
相顧諧會瑟瑟遂得釋然理通情洽豈非命
代開士難擁知人寒木死灰明英英間出寔斯
人矣時有高座寺且法師陳朝名德年過八
十金陵僧望法事攸屬開悟當塗融在幽栖
聞風造往以所疑義封而問曰經中明佛說
法言下受悟無生論中分別名句文相不明
獲益法師受佛遺寄敷轉法輪如融之徒未
聞靜惑爲是機器覆塞爲是陶化無緣明昧
迴遑用增虛仰必願開剖盤結伏志遵承且

良久憮然告曰吾昔在前陳年未冠肇有瑾
禪師王臣歸敬登座控引與子同之吾何人
哉敢當遺寄遂介而散融還建初寺潛結同
倫亘重其道志策杖往尋旣達建初寺有德
善禪師者名稱之士喜且遠來歡愉談詭而
善與融同寺初未齒之百曰吾爲融來忽輕
東魯乃召而問之令叙玄致即坐控舉文理
具揚三百餘對言無浮采於是二德嗟詠滿
懷仍於山寺爲立齋講然融儀表瓌異相越
常人頭顱巨大五岳隆起眉目長廣額頰濃
張龜行鶴視聲氣深遠如從地出立雖等倫
坐則超衆衣服單素纒得充軀肩肘絕綿動

逾累紀嘗有遺者返而還之而心用柔軟慈
悲爲懷童稚之與耆艾敬齊如一屢經輕惱
而情忘瑕不顧曾有同友聞人私憾加謗融
身詈以非類乃就山說之融曰向之所傳揔
是風氣出口即滅不可追尋何爲負此虛談
遠傳山藪無任爲本願不干心故其安忍刀
劍情靈若此或登座罵辱對衆誹毀事等風
行無思緣顧而顏貌熙怡倍增悅懌是知斤
者故來呈拙光飾融德者乎傳者抑又聞之
昔如來說化加謗沸騰或殺身已來誚或繫
杆以生誹滅跡內以死垂反說面欺大聖斯
徒衆矣而佛府而隱之任其訕誹及後過各

還露或生投地穴或死入泥犁天人之所共
輕幽顯爲之悲慟而如來光明益顯金德彌
昌垂範以示將來布教陳於陸海融嘗二十
許載備覽群經仰習正覺之威容府眇喋喋
之聲說陀那之風審七觸之安有利那之想
達四選之無停固得體解時機信五滓之交
質覽其指要聊一觀之都融融實斯融斯言得矣
釋惠方姓趙冀州信都來強人七八歲便思
出俗年九歲投蘇門淋落泉寺居然靜志衆
侶怪其特高遂授以九次十想隨聞斂念仍
受此法亟涉炎涼隋文后崩西京立寺遠徵
入任厚禮供焉而雅志不渝山林綴想雖遇

匠石無緣運斤舊所禪徒虛懷鶴望大業六年
倅還本寺門侶雲結請道如山隋季不靜
巖穴丘陵移居汲郡之隆善寺及皇運大昌
天下無事又與門人修緝舊所遂使松門石
棟巖室風窻並得經綸更新雲構曾於廊下
言及幽微沙弥伏階密聽空中聲曰何忽沙
弥在此伏聽懼驚起又被打擊經宿乃蘇其
感靈祥如此例也以貞觀二十一年冬初終
於所止春秋九十有三初未終前忽有異香
縈於巖室氤氳三日衆不惻恰終香歇以其
月十七日葬州北十里圓崗之陽
釋法嚮姓李揚州海陵葛崗人形長八尺儀貌

魁傑眉目秀異立性威嚴言不妄發足下有
黑子圓淨分明相者曰長爲軍將仍有重名
於天下也年十六辭親出家即事精苦與人
卓異尼媪叅禮未嘗與言戒行清淨誦法華
通攝山栖霞寺恭禪師住法後賢衆所歸仰
承名延致於寺側立法華堂行智者法華懺
嚮依法行三七專注大獲瑞應知而不言恭
旣入京嚮還江北海陵寧海二縣各延供養
隋末海陵大寧寺僧智喜開房延入於中靜
坐晝卧驚起曰火發喜四出顧視了無嚮曰
吾患耳妄聞耶明日晝驚如此三度遂東還
寧海去後李子通賊破縣燒寺如所告焉大

垂傷害日數十人乃設禳災大齋忽有一虎
入堂搏一人將去嚮逐後喚住何造次今爲
檀越設齋可放此人依言即放諸虎大集以
杖扣頭爲說法於是相隨遠去又欲往天台
尋智者古迹謂弟子曰吾雖欲至天台而不
達在江南一山中西北望見一城及過江至
江陰縣道俗留連於縣東南山起寺号曰定
山便經年稔後天下漸安又還海陵鹽亭百
姓留之有小孤山出地百仞四面無草木於
前立寺名爲正見處之貞觀四年冬初謂門
人曰吾與汝別近夢惡將不起矣遂卧二十
日忽起索湯盥浴剃髮自辰至酉面西而終

年七十八將終謂弟子曰吾願以身施諸鳥獸此無林木食若不盡穢人眼目可埋山西南及依往埋掘便值石盤薄無由又更試掘遂得一處凹陷石上恰得容身因厝中置塔其上嚮生常日投隨林野馴伏猛獸觀想西方口唱南無佛不多說法隨緣一兩句有災詳者令避託以夢想所見貞觀二年有常州人往幽州見一女人問海陵嚮禪師健不又問識耶荅不識女人以烏絲布頭巾用寄嚮師此人遇患經年不至嚮預知之每歎息那不至耶人至江陰附頭巾與海陵人將至其處乃令弟子逆之恰至門首相值以巾付還

嚮得巾執玩咨嗟裂破付弟子人得一片有
不得者貞觀三年天下大括義寧私度不出者
斬聞此咸畏得頭巾者並依還俗其不得者
現今出家其年大雪深數尺告弟子曰吾須
新菜弟子曰雪深叵得曰上山求之可有如
言上山數里至一樹下皆是青菜取之而返
預知皆如此也

釋道信姓司馬未詳何人初七歲時經事一
師戒行不純信每陳諫以不見從密懷齋檢
經於五載而師不知又有二僧莫知何來入
舒州峴公山靜修禪業聞而往赴便蒙授法
隨逐依學遂經十年師往羅浮不許相逐但

於後住必大加益國訪賢良許度出家因此
附名住吉州寺被賊圍城七十餘日城中乏
水人皆困弊信從外入井水還復刺史叩頭
賊何時散信曰但念般若乃令合城同時合
聲須臾外賊見城四角大人力士威猛絕倫
思欲得見刺史告曰欲見大人可自入城羣
賊即散既見平定欲往衡岳路次江州道俗
留止廬山大林寺雖經賊盜又經十年蘄州
道俗請度江北黃梅縣衆造寺依然山行遂
見雙峯有好泉石即住終志當夜大有猛獸
來遶並爲受歸戒受已令去自入山來三十
餘載詣州學道無遠不至刺史崔義玄聞而

就禮臨終語弟子弘忍可爲吾造塔命將不久又催急成又問中未荅欲至中衆人曰和尚可不付囑耶曰生來付囑不少此語纔了奄尔便絕于時山中五百餘人並諸州道俗忽見天地闇冥遶住三里樹木葉白房側梧桐樹曲枝向房至今曲處皆枯即永徽二年閏九月四日也春秋七十有二至三年弟子弘忍等至塔開看端坐如舊即移往本處于今若存

釋惠明姓王杭州人少出家遊道無定所時越州敏法師聚徒揚化遠近奔隨明於法席二十五年衆侶千僧解玄第一持衣大布二

十餘載時共目之青布明也翹勇果敢策勤
無偶後至蔣州巖禪師所一經十年諮請禪
法在山禪念經雪路塞七日不食念言吾聞
不食七日便死今明知業也若業自在可試
知之以繩自懸於高崖怳怳如人割斷因落
崖底如人擎置一無所損復至荊州四望山
頭陔二虎交鬪自往分解冬夏一服行止形
俱所去無戀即經所謂如鳥陵空喻斯人矣
誦思益經依經作業近龍朔年從南山出至
京遊觀與其言論無得爲先不久旋返云往
江曲依閑修道莫知定所

續高僧傳卷第二十一

達

裔反鳥 猛 蘄州衣上 反 瘵安音 抽 病 砧 槌下上 知 林 反

汴州變上 反 皮 浚儀反上 思 閏 毆 出作上 烏 口 吐 反 揜 揜反

掩 玳反鳥 阮 蘧 籛簾渠 除 二 音 慈 蘇 困 儕 流皆上 反 助

也 朋 桑梓鄉下 音 子 木 名 也 今 謂 態 丘 息 例 反 紕 俱 有 有

借韻 玷痕音 點 股 肱俱上 音 弘 古 下 墮 壞也上 下 兄 彌 反 作 毀 有 有

也 非 瘞反於 同前 睽 離也 圭 反 煬 帝 向 上 反 余 旺 音 關 鍵音下

同前 蔚 介上 於 勿 反 餒 飢乃 每 一 反 確 平 角 上 反 蘄 州

衣 上 反 巨 永 徽年下 音 暉 盥 俗洗上 音 貫 疑 然反上 魚 力

自 山 立 玼反似 宜 藹反鳥 蓋 稜反郎 登 巫 敘上 音 無 輪

奐下音 潜 然泣上 所 間 反 瑋反羽 鬼 租 米反上 師 音 無 姑

辛 鯉下音 鼻 臭 也 嗜 慾視 欲 辛 臊下 蘇 租 米反上 魚 臭 稅 姑

娉反正 併 什 邠在下 廣 陵 一 音 縣 方 豫 樟良下 音 章 有

反 併 什 邠在下 廣 陵 一 音 縣 方 豫 樟良下 音 章 有

娠下音申孕也音申翊音翼輔音輔珉音閩臉音目檢音寶竇音豆蹊音

徑上音合恰上音合至上音合苦上音合螫呼各反行一音毒也音狩柴郎狼二音郎虎音賁音

職下音奔武音漉音囊音龔音恭音又音按音轡音馬音秘音

槍也劓也上正作劣浙七羊反也反斧跨馬上傾反腋挾音上

亦脇恬反下音盥音浴音洗音也音責音敷音考音實音也音吮音膿音詞音

軟反音農味也琮在宗羶腥上詩然反乾燥蘇下

老反忌音憚下徒且睹猪賂音遺音路音筮之上音逝音倨音

傲上音據下虎豹作正豹輟止知也音劣反俞音烏音喟音

然上音苦位反糠糝下實音比音穀音足音俱音茗音慕音蹠音

秋六反大音壑下呼音耿音耕音字音枯音瓠音下音側音瘦音反音商音

擢音角音笳音簫音蘆音葉音吹音之音卷音煨音燼音刃音上音烏音回音反音下音徐音

擢音角音笳音簫音蘆音葉音吹音之音卷音煨音燼音刃音上音烏音回音反音下音徐音

悼傷盜上音
惻愴下上音
楚狀力反反
稽留上音
蔓草上音

萬藤也
莓苔梅二字
臺音
絮綿慮反
文藻下音
銳歲

利闔反一計
眇銜音同縣二
依庇二下必
羈離上

宜臺音
物蟲妬害
瑣瑣蘇小果
反細也自縊
反下繫於智滔

然上音
無然上失意貞
反
· 璀反七每
談謔約下許
瓌

異上音
頭盧頭下音
腦也
頰頰下上蘇
恬朗反反顛也
者

艾上音
渠夷反老之下
吾盥
私憾反下胡暗
悅懌亦下音

斥尺
誚責也
反
繫枉木下盆也
作孟
訕誚上音
所

晏反二
反
下
芳尾
唵唵
牒音
交貿反下
莫候
益益上音
符

分反
下
煙氣紆去反
圓崗山下音
剛
尼姬下紆句反

搏也音
持搏也
年稔下音
審反
凹陷去上烏甲反
下咸下字

也
也
也
也
也
也
也
也
也
也

